

Vårarbeid

Er ikkje gjødsla alt ute, bør dette gjerast no. Organisk gjødsel brukar lengre tid på å bli plantetilgjengeleg enn kunstgjødsel. Pelletert gjødsel bør fresast ned i jorda etter spreing. Har ein ikkje fått kalka, kan dette vente til hausten etter plukking.



Bilete 1: ulike typer gjødsel er aktuelt å bruke i tillegg til Marihøne og Grønngjødsel. Bildet til venstre er DCM fra LOG og til høgre er OPF frå Norgro. Me har etablert storskalaforøk i eple og bringebær for å teste disse mot vanlege gjødseltypar. Begge typane er homogene, lette å spre og skal gi raskare nitrogeneffekt.

Så snart beskjæring er ferdig og kvisten er fjerna, må det sprøytes med kobberpreparatet Nordox. Nordox 75 WG har maksimalmengde pr år på 400 g pr daa. Fordel denne dosen på vår og haust. Ei sprøyting med 100 g/daa kan være høveleg no på våren. Blir våren langstrekt kan ein gjenta dette etterpå. Det er då igjen 200 g/daa som kan brukast i forbindelse med bladfall på hausten.

Rotskott som ikkje er klipt vekk kan være aktuelt å gå over ein runde å ta no i forbindelse med kvistfjerning.

Utvikling



Mange beskjærer trea ferdige i ein operasjon, mens andre deler opp arbeidet. Har ein delt opp arbeidet er det no enklare å sjå forskjell på blomsterknoppar som ein vil bevare og bladknoppar. Årskott ein var i tvil om ein skulle ha igjen er det lettare å ta bort no.

Bilete 2: viser utviklinga no etter påske rundt Oslofjorden. Situasjonen er ganske lik i Sogn. Lengst i utvikling har prydeple komme i bilda nedst. Evereste t.v. og Dolgo t.h. Øvst til venstre er Discovery og til høgre Aroma som ligg bak i utvikling i dei same felta.

Ugras


Uansett driftsmåte er det viktig å hindre ugraset å konkurrere med frukttræa. Har ein jorddekke er det fint å reparere holl i plasten eller andre forhold som gjer at dekinga ikkje er optimal. Ved bruk av fresing kan ein ta til med dette no. Mykje ugras er smått og enkelt å fjerne no. På våren vil tallerken eller skålharv fingere best om ugraset ligg som eit gamalt teppe frå i fjor. Manglar det jord inntil træa vil desse reiskapane være til stor hjelp for å få dekke røtene. Pass på å frese når jorda er lagleg og ikkje for våt.



**Vassarve
og løvetann**



Kveke



Relativt enkelt ugras om ein er tidleg ute. Fresing no fungere bra.

Vanskeleg ugras som skapar problem i mange kulturar. Fresing medfører mange små utløparar som igjen gror fast på nye stadar. Greier ein å røske opp stenglane og tørke de ut i vårsola kan det fungere.

Nordox

Vi kan bruke Nordox fram til tett klyngjestadiet. Etter dette er det fare for skade på bladverk og blomsteranlegg. Reduserte doser som innblanding med Thiovit Jet går derimot greit og er å anbefale. Bruk då 15 g/daa Nordox 75 WG i lag med 300 g/daa Thiovit Jet.

RIMpro - epleskurvvarsling

Grøn spiss i Gravenstein/Summerred var meldt inn før påske på alle stasjonane for epleskurv. Det betyr at ein må følgje med på vegmeldinga og skurvvarslingsprogrammet RIMpro. Alle stasjonane for RIMpro finner ein her:

<https://www.vips-landbruk.no/information/12/#RimproEpleskurv>

Mills tabell



Bilete 3: viser skjermbilde frå VIPS. Raud boks betyr fare for skurvinfeksjon, gul er på veg til fare og grønt er ingen fare. Brukar ein RIMpro vil denne fange opp at det er lite modne sporar og dermed ikkje gi farleg varsel i samme periode for Balestrand.

Vær oppmerksom på at varslinga ein finn på framsida på vips-landbruk er henta frå nye Mills tabell. Mills tabell har ikkje den same oppfatninga kring sporelager og kastetidspunkt. Varsla her vil dermed være hyppigare og ikkje alltid være dei rette.

Lær deg å bruke RIMpro. [Rettleiing finn du her.](#)

Skurvbekjemping

Fram til musøyre kan ein nytte 100 g/daa Nordox 75 WG.

Frå musøyre kan ein nytte 300-450 g/daa Thiovit Jet + 15 g/daa Nordox 75 WG.

Kurativ sprøyting om dekninga vart for dårleg, kan ein nytte bakepulver 750 g/daa.

Fibro mot egg

Førebyggande vårsprøyting mot lus/frukttremidd ved bruk av olje og såpe eller FIBRO bør vera obligatorisk i økologisk dyrking. Dette då lus ellers kan gjera omfattande skade på avling og tre, då særskilt nyplanting er utsett. Rett tidspunkt for sprøyting er ved knoppsprøyting og/eller musøyre stadiet. Olja i preparata vil då leggja seg som ei hinne rundt evt. egg og kvela dei.

Bladlus tek tidleg til å klekkje. Det kan hende dei alt har starta klekking og då er sprøytinga for seint ute. Bruk 3 liter vegetabilsk olje i lag med 0,5 liter grønsåpe pr daa.

Frukttremidd har nok ikkje starta klekkinga endå. Blir det varmare i veret blir det nok aktuelt med bekjemping kring musøyrestadiet. Følg med på utviklinga i eigen hage. Brukt 2,25 liter Fibro pr daa. Eller bland til olje og såpe som under bladlusegg.

Gallmidd

Har ein tidlegare år hatt mykje gallmidd er det no den kan bekjempast. Når våren kjem vil gallmidden krype ute av knoppskjella og gå inn i blada. Thiovit Jet vil hindre dette og angrepet kan reduserast. Bruk 300 g pr daa Thiovit Jet. Thiovit Jet fungerer også forebyggande mot mjøldogg.



Bilete 4: prydepla er vanskeleg å styre. De er vel tidleg ute og me får håpe dei ventar med blomstring til hovedsorten tek til. Eindel av prydeple-sortane har mange mumiar frå fjoråret. Få fjerna desse og få dei ned på bakken.